

左宗棠全集

第十四册

K249.06

(W)1


14

0080793

第十四册

左宗棠全集

書牘 (三)



新疆维吾尔自治区图书馆XT0-0080793

左文襄公書牘卷十五

光緒元年乙亥

目錄

與譚文卿方伯

一一七七

答邵汴生中丞

一一七七

答江小岷都尉

一一七四

與袁筱塢少司農

一一七五

與晉撫鮑華潭中丞

一一七六

答譚文卿

一一七八

與沈吉田

一一七八

答邵汴生中丞

一一八一

答吳清卿學使

一一七八二

答吳清卿學使

一一七八三

答邵汴生中丞

一一七八五

答陝撫譚文卿中丞

一一七八六

答張朗齋提軍

一一七八九

與譚文卿中丞

一一七九三

與張朗齋

一一七九五

與史繩之

一一七九七

答沈幼丹

一一七九九

答袁筱塢

一一八〇〇

與金和甫都護

一一八〇一

答譚文卿

一一八〇四

答譚文卿

一一八〇八

與兩江總督劉峴莊制軍

一一八一二

答吳清卿學使

一一八一三

與李筱軒

一一八一六

與王孝鳳理少

一一八一七

答金和甫

一一八一八

答袁筱塢

一一八二一

與劉克庵

一一八二四

與王若農觀察

一一八二五

答曾沅浦宮保

一一八二六

答吳清卿學使

一一八二九

與定靜庵劉毅齋譚冠英金景亭

一一八三〇

與譚冠英

一一八三一

答金和甫

一一八三二

上總理各國事務衙門

一一八三四

與譚文卿

一一八三五

與劉克庵

一一八三九

與陳舫仙廉訪

一一八四二

與湘撫王夔石中丞

一一八四四

答曾沅浦

一一八四六

答劉峴莊

一一八四八

答胡雪巖

一一八五二

答董韞卿大司農

一一八五五

答李筱軒

一一八五七

與譚文卿

一一八五八

答劉克庵京卿

一一八五九

答俄國兵部索思諾福斯齊

一一八六一

答金和甫

一一八六四

答張朗齋

一一八六八

答譚文卿

一一八七〇

答譚文卿

一一八七一

答馮竹儒觀察

一一八七三

答兩廣總督劉峴莊制軍

一一八七五

答張朗齋

一一八七六

與浙藩盧午峰方伯

一一八七八

答楊石泉

一一八七九

答劉克庵

一一八八二

答譚文卿

一一八八四

答李筱軒侍御

一一八八六

答沈吉田

一一八八九

答金和甫

一一八九〇

答金和甫

一一八九二

與譚文卿

一一八九四

與兩江總督沈幼丹制軍

一一八九六

答吳桐雲觀察

一一八九七

答譚文卿

一一九〇〇

與沈吉田

一一九〇二

答吳清卿學使

一一九〇三

答王若農觀察

一一九〇五

答兩江總督沈幼丹制軍

一一九〇六

上總理各國事務衙門

一一九一一

與袁筱塢

一一九二一

答譚文卿

一一九二三

與蜀藩文式巖方伯

一一九二六

答金和甫

一一九二七

與譚文卿方伯

光緒乙亥

龍馭上賓數天之痛接部文今日始克成服數日前天昏地暗慘無人理憂虞萬端曷知紀極溯同治建元之初四海鼎沸十又三年東西南朔甫有甯宇方冀運際中興朝野蒙祐何圖鼎湖龍去莫遂攀號麀息渺然嗣皇繼統古今之變可痛可哀有甚於此時者哉光緒建元已准禮部咨會尙未欽奉明詔雖已遵照出示行知而奏咨公牘一切究無憑署寫未知陝省如何辦法慰安具摺應如何繕寫舊時典章恐有未能盡同者此間案卷全佚如陝西有見聞希由快驛示知爲要中丞公嫻於禮者謁時請其詳示至以爲託河州首要各逆悉數擒解正法旬許以來諸軍

未撤勒令各鄉約頭人按莊村縛獻逸匪分別辦理免兵勇入邨
搜捕以絕擾累或可保數十年無它耳

答邵汴生中丞

奉展尊函敬承一切 龍馭上賓部文奉到謹率同城文武於正

月三日成服哀不自勝痛維 大行皇帝臨御十又三載內奉

兩宮外綏九域 孝思之誠 武德之盛 知人之哲 安民之

仁史冊所載古者帝王盛軌奚有加焉乃大難甫平 宮車宴駕

數天之痛其孰可忍矧受 恩深重奉職邊陲攀號莫及者乎

新皇入嗣大統 慈聖臨朝 建元光緒諸已奉到部文惟頒

詔之日未見 諭旨想陝中近可奉到矣分闈一摺一片已奉

批回交部議奏果如尊處所聞秦隴中額均有益無損則至幸也
彼塢司農所陳奉到 寄諭後尙未覆奏旋又接其手函呼搶之
餘不及作答司農意疑弟因辯論之餘未免芥蒂無論事關軍儲
轉饋彼此均以節費集事爲是本無意見可爭運道險夷曲直糧
價輕重多寡事在目前驗在指顧非若虛詞之暫難究詰也存意
見者必有所爲弟與司農果何所爲乎若本無所爲則固無所爭
奚取乎筆舌之紛紜也況當此憂虞方殷之際臣僚又何忍徒爭
意氣不顧事理之平弟縱不肖亦當不至此惟旣置身事中則事
有所宜心有所知不敢稍涉遷就自蹈欺罔遇有所見仍當據實
直陳以求無愧 君父無愧此心已耳因明問及此附以奉告河

州一案蔽役尙速首要各逆無一漏網自卅里鋪至大東鄉那力
寺一帶數十里間幾無遺種辦此案約分四等一首要各逆一甘
心從叛犯者無赦一坵和一被脅兩等訊明分別辦理免死爲多
日閒正飭撤兵招民復業種春麥也知注并聞春雪已得一番月
底可耕地入種矣

答江小岷都尉

去秋得手書知己赴京襲爵書中所敘先德交誼大略無誤足見
平時畱意先世舊事深可嘉也忠烈行狀其援江西以前事均我
所敘後半乃郭筠仙續之姪讀此可略識先德一二爲名人子不
易況忠臣名將帥之後乎居京師以慎交游寡言語爲好閉戶讀

書尤悔自寡聞姪頗喜飲杯中物能亂性能傷人盍節之尊翁與
吾同歲生吾遲四月姪呼我以叔可也寄百金助吾姪膏火如不
足仍當續寄

與袁筱塢少司農

心中所欲盡者均於覆奏詳之拜發後鈔達冰案同爲一事同此
一心而所見不能無異閣下如實見得是自宜就所見者盡言之
聽 朝廷採擇事前有物理可憑事後有成效可驗無事於爭何
有於忿疊函以弟預存成見未釋芥蒂爲疑似於區區愚衷尙難
盡亮憶自忝預戎事以來與當世賢豪交論涉公事從違可否一
本其所見者坦懷相示未敢稍存意氣之私古云處天下事當以

天下之心出之豈頭白臨邊忽易素志矧當 冲聖踐阼艱虞孔
殷尙復爭辯求勝於心何以爲安車騾安置希定見示知以便飭
屬料理頭兩幫抵蘭日期差弁自己稟悉前途料草已如請發傳
牌計應付可不至誤惟正值解冰架橋時稍有耽閣非金佩璽等
之過初七日祭河橋初八日可過車矣年終一月滿餉原可照部
議騰出惟洋款是否借到尙未接滬局稟故不敢徑諾凡此皆閣
下所能諒者路程單兩件附覽

與晉撫鮑華潭中丞

自頃人天憂愴 匕鬯無驚伏維台候節抑爲 國興居強適至
禱至慰啟者蜀中趙拔貢遠熙緣事安寘翼城已十餘載弟自移

節度隴所部蜀軍人士無不稱其冤抑中江李訓導星根言及至
於泪下弟每爲改容然以隔省成案無從平反又非其遷謫之所
事關奏咨要件礙難造次但寘之胸臆閒而已上年趙遠熙以書
來陳訴前事比以虛詞慰遣之茲復以書來干情詞惻惻卻少不
平之鳴而值茲 肆赦有期豈宜一夫不獲閣下洗冤澤物爲懷
於所部遷客分別奏咨立言較易得體弟已備函牘致之純廉訪
乞將全卷呈覽聽候裁酌儻邀照察賜以一言俾窮老孤士免終
爲刑戮之民弟固感荷如同身受如實因事多窒礙難以轉圜必
須令從戎自贖則軍中書記亦尙乏才弟當調其人幕再思所以
處之謹令小胥錄稟批附呈大覽希卓裁示復不宣